

0174-01.02-04-

BOŠNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Služba za upravu društvenih djelatnosti,
pitanja boraca i opću upravu

Primljeno: 04-12-2024			
Org. jed.	Kl. ozna.	Red. broj	Br. prijema
02	04	2269	124

Broj: 04-04-2269/24
Datum: 04.12.2024. godine

STRUČNA SLUŽBA GRADONAČELNICE

PREDMET: Nacrt Odluke o izmjenama i dopunama Odluke o osnivanju Javne ustanove „Dječiji vrtić“ Zavidovići

U prilog ovog akta dostavljamo Vam Nacrt Odluke o izmjenama i dopunama Odluke o osnivanju Javne ustanove „Dječiji vrtić“ Zavidovići.



POMOĆNIK GRADONAČELNICE

Idriz Alihodžić
Idriz Alihodžić, prof.





Broj: _____/24
Datum: _____2024. godine

Na osnovu člana 3. stav (3) i člana 6. Uredbe sa zakonskom snagom o ustanovama („Službeni list RBiH“, broj: 6/92, 8/93 i 13/94) koja se primjenjuje kao Federalni zakon temeljem člana IX 5. Ustava Federacije Bosne i Hercegovine, člana 15. stav (2) Zakona o predškolskom odgoju i obrazovanju („Službene novine Zeničko-dobojskog kantona“, broj: 7/2010 i 8/2012) i člana 10. Privremene Statutarne Odluke Grada Zavidovići („Službeni glasnik Grada Zavidovići“, broj: 4/2022), Gradsko vijeće Zavidovići na svojoj __. sjednici održanoj __. __. 2024. godine donijelo je

ODLUKU
o izmjenama i dopunama Odluke o osnivanju Javne
ustanove „Dječiji vrtić“ Zavidovići

Član 1.

U članu 9. Odluke iza stava (1) dodaje se stav (2) koji glasi:
Djelatnost pod šifrom 56.29 – ostale djelatnosti pripreme i usluživanja hrane, iz Odluke o zadržavanju prava osnivača prema Javnoj ustanovi „Gradski dječiji vrtić“ Zavidovići, broj: 01-023-35 od 11.07.1998. godine se briše i neće se više obavljati.

Član 2.

Član 10. stav (3) Odluke, mijenja se i glasi:
Javna ustanova može obavljati druge poslove koji se uobičajeno obavljaju uz djelatnosti upisane u sudski registar, na način propisan u stavu (1) i (2) ovog člana.

Član 3.

U članu 21. Odluke iza stava (5) dodaje se stav (6) koji glasi:
Direktor je ovlašten da podnese prijavu za registraciju javne ustanove lično ili putem ovlaštenog predstavnika/zastupnika, odnosno punomoćnika (advokat ili notar).

Član 4.

Ova Odluka stupa na snagu prvog narednog dana od dana objavljivanja u “Službenom glasniku Grada Zavidovići”.

PREDSJEDAVAJUĆI
GRADSKOG VIJEĆA

O B R A Z L O Ž E N J E

ODREDBE ODLUKE KOJE SE MIJENJAJU

Član 9. (Djelatnost)

Djelatnost Javne ustanove putem koje se ostvaruju ciljevi iz člana 8. stav (2) ove Odluke, određena je prema Odluci o klasifikaciji djelatnosti Bosne i Hercegovine („Službeni glasnik BiH“, broj: 47/10).

85.10 – Predškolsko obrazovanje,
88.91 – Djelatnost dnevne brige o djeci.

Član 10. (Promjena i proširenje djelatnosti)

- (1) Javna ustanova ne može promijeniti i proširiti djelatnost bez saglasnosti Osnivača.
- (2) Promjena i proširenje djelatnosti Javne ustanove vrši se donošenjem izmjene/a i / ili dopune/a ove Odluke na prijedlog Gradonačelnika.
- (3) Javna ustanova može obavljati i drugu djelatnost koja je od značaja za obavljanje predškolskog odgoja i obrazovanja i ostvarivanje prava korisnika u skladu sa zakonom, na način propisan u stavu (1) i (2) ovog člana.

Član 21. (Nadležnost organa rukovođenja)

(1) Direktor je nadležan da:

- a) predlaže program odgojno-obrazovnog rada i aktivnosti za unapređenje tog rada u okviru godišnjeg programa rada i poduzima odgovarajuće mjere za njihovo provođenje,
- b) vrši izbor i postavljanje svih ostalih zaposlenika i sa njima zaključuje ugovor o radu, odnosno donosi odluku o prestanku ugovora o radu,
- c) odlučuje o raspoređivanju zaposlenika predškolske ustanove na određene poslove i zadatke,
- d) prati i usmjerava rad odgajatelja i drugih zaposlenika predškolske ustanove,
- e) podnosi izvještaj o uspjehu i postignutim rezultatima odgojno-obrazovnog rada, upravnom odboru predškolske ustanove, Osnivaču i Pedagoškom zavodu koji vrši stručni nadzor,
- f) podnosi Upravnom odboru izvještaj o finansijskom poslovanju,
- g) vrši i druge poslove predviđene pravilima predškolske ustanove.

(2) Direktor je dužan da obustavi od izvršenja opšti akt koji je u nesaglasnosti sa ustavom u suprotnosti sa zakonom, kao i pojedinačni akt kojim se nanosi šteta Javnoj ustanovi ili društvenoj zajednici i da o tome obavijesti organ iz člana 26. ove Odluke koji vrši nadzor nad zakonitosti rada Javne ustanove.

(3) Ako organ iz stava (2) ovog člana u roku od 30 dana od dana prijema obavještenja ne postupi u skladu sa članom 27. ove Odluke i o tome ne obavijesti direktora, akt koji je od izvršenja obustavio direktor može se izvršiti.

(4) Direktor je naredbodavac za vršenje finansijskog plana.

(5) Direktor je odgovoran Upravnom odboru za rezultate rada i finansijsko poslovanje Javne ustanove.

USTAVNOPRAVNI I ZAKONSKI OSNOV ZA UVOĐENJE ODLUKE

U članu 3. stav (3) Uredbe sa zakonskom snagom o ustanovama („Službeni list RBiH“, broj: 6/92, 8/93 i 13/94), propisano je: „Javnu ustanovu može osnovati Skupština Republike Bosne i Hercegovine (u daljem tekstu: Skupština RBiH), skupština opštine, skupština gradske zajednice i vjerska zajednica, samostalno ili sa drugim pravnim odnosno fizičkim licem, kada nadležna skupština ocijeni da za njeno osnivanje postoji javni interes“.

U članu 6. stav (1) Uredbe sa zakonskom snagom o ustanovama propisano je: „Osnivač donosi akt o osnivanju ustanove“.

U članu 15. stav (2) Zakona o predškolskom odgoju i obrazovanju („Službene novine Zeničko-dobojskog kantona“, broj: 7/2010 i 8/2012) propisano je: „Javnu predškolsku ustanovu osniva općinsko vijeće, u skladu sa načelima standardima i normativima utvrđenim ovim zakonom i ostalim uvjetima i kriterijima utvrđenim propisima u području odgoja i obrazovanja“.

RAZLOZI ZA UVOĐENJE ODLUKE I OBJAŠNJENJE ODABRANE POLITIKE

Dana 29.11.2024. godine Služba za upravu društvenih djelatnosti, pitanja boraca i opću upravu Grada primila je dopis JU „Gradski dječiji vrtić“ Zavidovići, broj: 186/2024 od 29.11.2024. godine uz koji je dostavljen zaključak Općinskog suda u Zenici, broj: 043-0-Reg-24-001189 od 26.11.2024. godine koji se nalaže JU „Gradski dječiji vrtić“ Zavidovići da u roku od 15 dana od dana prijema zaključka upotpuni svoju prijavu za upis promjena kod javne ustanove, a u skladu sa Zakonom o registraciji poslovnih subjekata u FBiH.

U navedenom zaključku Općinski sud u Zenici traži sljedeće:

- da se ispravi član 10.stav 3. Odluke o osnivanju Javne ustanove „Dječiji vrtić“ Zavidovići, broj: 01-04-2758/22-AP-17 od 27.06.2024. godine, te da stav (3) koji glasi: (3) „Javna ustanova može obavljati i drugu djelatnost koja je od značaja za obavljanje predškolskog odgoja i obrazovanja i ostvarivanje prava korisnika u skladu sa zakonom, na način propisan u stavu (1) i (2) ovog člana.“ treba da glasi „(3) Javna ustanova može obavljati druge poslove koji se uobičajeno obavljaju uz djelatnosti upisane u sudski registar, na način propisan u stavu (1) i (2) ovog člana.

- da se dostavi odluka o brisanju (djelatnost koju više neće obavljati), jer su u sudskom registru upisane djelatnosti pod šifrom 56.29 i 85.10.,

- da se dostavi sudu dokument iz kojeg proizilazi da je direktor ovlašten da podnese prijavu za registraciju lično ili putem ovlaštenog predstavnika/zastupnika, odnosno punomoćnika, a da punomoćnik podnosioca prijave može biti advokat ili notar.

Zbog navedenog se predlaže donošenje ove Odluke kojom se vrši izmjena i dopuna u članu 9., 10. i 21. Odluke o osnivanju Javne ustanove „Dječiji vrtić“ Zavidovići („Službeni glasnik Grada Zavidovići“, broj: 6/2024).

Obzirom da se ne radi o složenoj i obimnoj Odluci, predlaže se njezino donošenje po skraćenom postupku u skladu sa članom 130. Poslovnika o radu Gradskog vijeća Zavidovići („Službeni glasnik Grada Zavidovići“, broj: 7/22 i 1/23).

USKLAĐENOST ODLUKE S KANTONALNIM I FEDERALNIM ZAKONODAVSTVOM

Nacrt Odluke o izmjenama i dopunama Odluke o osnivanju Javne ustanove „Dječiji vrtić“ Zavidovići usklađen je sa Uredbom sa zakonskom snagom o ustanovama i Zakonom o predškolskom odgoju i obrazovanju kada je u pitanju nadležnost Gradskog vijeća Zavidovići za donošenje ove Odluke.

OBRAZLOŽENJE PRAVNIH RJEŠENJA U ODLUCI

Postupajući po zaključku Općinskog suda u Zenici, broj: 043-0-Reg-24-001189 od 26.11.2024. godine utvrđeno je da se upis promjene JU „Dječiji vrtić“ Zavidovići u sudski registar, na osnovu člana 54. Zakona o registraciji poslovnih subjekata u FBiH, može omogućiti izmjena i dopuna Odluke o osnivanju Javne ustanove „Dječiji vrtić“ Zavidovići.

PROVEDBENI MEHANIZMI I NAČIN OSIGURAVANJA POŠTIVANJA ODLUKE

Provedbeni mehanizmi i način osiguravanja poštivanja ove Odluke propisani su Uredbom sa zakonskom snagom o ustanovama („Službeni list RBiH“, broj: 6/92, 8/93 i 13/94).

OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Za provođenje ove Odluke nije potrebno planirati finansijska sredstva u Budžetu Grada Zavidovići.

OPIS KONSULTACIJA VOĐENIH U PROCESU IZRADE ODLUKE

Tokom izrade Odluke vršene su konsultacije Službe za upravu društvenih djelatnosti sa Stručnom službom Gradonačelnice.

GRADONAČELNICA

mr.iur. Erna Merdić Smailhodžić

Obradila:


(Nadina Mehinagić)

Kontrolisao:


(Idriz Alihodžić)